

北京圖書館 編

北京圖書館藏珍本
年譜叢刊



第 22 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 22 冊



第二十二冊目錄

李忠定公年譜	一
胡少師年譜	一〇九
易安居士年譜	二〇九
洪忠宣公年譜	二二九
宣撫資政鄭公年譜	三一九
大慧普覺禪師年譜	三二三
簡齋先生年譜	四六七
延平李先生年譜	四七一
簡慧公年譜	四九三
屏山先生年譜	五二三
宋少保岳鄂王行實編年	五三三
岳武穆王年表	七二一

李忠定公年譜序

余既脩福州西湖李忠定公祠堂復屬新城楊卧雲舍人編輯年譜再閱月譜成屬余序之余嘉其採擇詳慎不蔓不遺洵足括公生平昭示來許矣顧余獨因公有感天地生才之難成功之不易而命世之英往往遭際艱虞其精誠偉畧或反足以揭日月而光九幽蓋三綱之賴以不淪九法之賴以不斁者此耳方宣和末年國家方强盛位九列者未嘗乏人自金人敗盟敵騎日迫獨公決策內禪身親捍禦能使强敵懾服宗社危而復安而外此無一人焉天之生才信若是之難也然使公始終柄政不爲宵小所移恐金人將自謀之不暇而於南渡乎何有卽不幸播遷南服亦可徐圖進取恢復

中原乃屢起屢黜卒致宋室局於偏安而公之深謀至計迄
不得施豈成功者天人固有不能強致者耶雖然公之功雖
未成而忠愛之至誠脩攘之大略不獨當時人惜之百世後
亦無不容嗟太息怪當時人君以不能盡公用爲恨然則斯
譜之成後之人有能究其始終而三復焉知必有以興起其
忠義之心而使薄夫敦鄙夫寬雖謂三綱九法賴是以存焉
可也

誥授資政大夫

欽加二品頂戴按察使司銜臺澎兵備道兼提督學政前福建鹽

法道沅陵吳大廷撰



李忠定公年譜自序

當世運艱屯以天下之重自任而未竟其志者三代下三人
焉漢諸葛武侯唐陸宣公宋李忠定公顧武侯得昭烈爲君
可以无憾宣公雖斥於後親佐君恢復有成功亦无憾也惟
忠定公亟奮亟躋並不及宣公之於德宗天下皆知用公則
轉危爲安宋无北轅南渡之患不用則否而朝廷獨若安其
危而利其蓄者嗟乎此諸葛公表後主所以誠親賢臣遠小
人也宋史論欽高二君闇弱不足有爲蓋闇則昏惑而无遠
慮弱則苟且而事偷安所用又皆邪佞小人持祿尸位頑鈍
无耻忠定欲久於其位得乎忠定爲相止七十餘日宣撫兩
河荆湖制置江西不過閱月踰年又多方以掣其肘然而却

敵靖寇保境息民旋至立效其它陳論利害驗若蓍蔡豈非
與武侯宣公伯仲之閒哉集元年譜聞閩林侗同人曾爲之
未見也因就本集正史及各家傳說緝爲此編夫正史似足
信矣而本紀與列傳有不合者行狀爲公弟綸作彌足信矣
而與公自撰書有不合者

並詳書內

推之各家傳說詎能無誤甚

矣記述之難也今以本集公自撰書爲主次行狀次正史次
續通鑑及各家傳說可據依者擇取極慎有關治亂出處之
大者正書之資攷鏡當埒見者節要注之有校正者案語別
之牴牾疏漏殆均不免惟世之君子董而正之同治丙寅九
月九日江右新城楊希閔鍊傭書於福州旅寓

采用各書

宋丞相李忠定公奏議六十九卷

明刻本

此公子秀之編者陳少保俊卿爲之序序言淳熙丙申予帥三山公子秀之裒集表章奏劄至六十九卷而詩

文猶不與焉

六十九四庫提要作八十蓋誤

李忠定公集選四十四卷

康熙中刻本

此明萬厯中閩人李嗣元所選康熙中建甯李榮芳重刻者

案公全集爲梁溪集凡一百八十卷附錄六卷四庫著

錄外間罕有曩故友何願船刑部

秋濤

得一鈔本譌脫

特甚願船細爲校正隨校隨刻已於邵武刻至四十五

卷閔爾時客邵武每從假觀歎校本精善促其竣功俄
寇亂各分散願船由福州航海北上攜稿本并板以去
後聞願船歿于保定此書不知流落何所思之惘悵今
欲一取此書采緝何可得也 又案提要公梁溪集末
已附有年譜今未見不知同異如何

建炎時政記三卷

鈔本

靖康傳信錄三卷

集本

案直齋書錄解

題作一卷當是寫誤

建炎進退志三卷

集本

此三書皆公自撰

孤臣泣血錄三卷拾遺一卷

宋武陵丁特起撰

案范氏天一閣書目有丁特起靖

康記聞一卷疑卽此書之異名然未見其書當再攷

建炎以來繫年要錄二百卷

鈔本

此宋工部侍郎井研李心傳撰 案此書以國史日曆
爲主而當時稗官野記家乘誌狀采取極博又有別擇
不蕪雜南宋雜史部最佳之本

皇朝中興傳信錄十卷

鈔本

此宋鮮于綽大受撰自序謂集雜史傳記近三十種

案此書四庫館未箸錄其目見馬氏經籍攷今鈔本云

從永樂大典鈔出起紹興元年

一卷至六卷
皆元年事

訖紹興二

年

七卷至十卷
皆二年事

歲月甚短於吾此書無甚采獲

中興小記四十卷

鈔本

宋熊克子復撰起建炎丁未訖紹興壬子陳氏書錄解題謂其疏略抵牾岳氏程史亦摘其疵蓋在李心傳書之下也

中興兩朝編年綱目十八卷

鈔本不著撰人名氏

宋 撰起高宗建炎元年訖孝宗淳熙十七

年 案莆田陸均平甫有中興編年舉要十四卷備要十四卷直齋書錄解題云依仿朱子通鑑綱目舉要者綱也備要者目也云云頗與此書相似惟卷數名目不同當再攷

名臣言行錄別集十三卷

宋李幼武士英撰

宋史

所采止靖康建炎紹興間故不必著卷數下同

元托克托撰

案舊作脫脫撰今從四庫提要

宋元通鑑

明薛應旂撰陳仁錫刻本

御批資治通鑑輯覽

乾隆三十二年奉

敕撰

續資治通鑑

乾隆中鎮洋畢制府沅撰嘉慶六年桐鄉馮集梧刻行

宋元學案

國初黃宗義原本乾隆中全祖望修補

外零星雜部書古如戴氏鼠璞近如邵氏南江集之

類不悉載

李忠定公年譜

江西新城楊希閔錢傭編

宋神宗元豐六年癸亥公年一歲

公諱綱字伯紀先世系出有唐有以宗室爲建州刺史卒官因家焉太平興國四年析建州置邵武軍故爲邵武人

居八龍鄉慶親里

曾祖僧護祖廩隱居不仕父夔字師和少穎敏

舅黃履器之與龜山友善登元豐進士第嘗爲華亭縣尉有政聲遷縣令累官右文殿修撰終龍圖閣待制以子貴贈太師衛國公母吳氏處州龍泉人封韓國夫人賢業懿範見龜山所撰墓誌銘正月十二日生公於華亭官舍

元豐七年甲子二歲

元豐八年乙丑三歲

哲宗元祐元年丙寅四歲

元祐二年丁卯五歲

元祐三年戊辰六歲

元祐四年己巳七歲

元祐五年庚午八歲

元祐六年辛未九歲

元祐七年壬申十歲

元祐八年癸酉十一歲

紹聖元年甲戌十二歲

紹聖二年乙亥十三歲

紹聖三年丙子十四歲

公自幼有大志舉動必於矩度見者知爲名世年十四從父官延安時夏人入寇圍城甚急舊法邊城被圍乘城者以日計功僚屬子弟皆登城冀賞公獨不從然時時騎繞城上示無所畏朝廷以言者謂賞濫報罷眾以是愧公

紹聖四年丁丑十五歲

元符元年戊寅十六歲

元符二年己卯十七歲

元符三年庚辰十八歲

徽宗建中靖國元年辛巳十九歲

丁母韓國夫人憂廬於錫山塋次三年哀感閭里

崇甯元年壬午二十歲

居憂

崇甯二年癸未二十一歲

居憂

崇甯三年甲申二十二歲

補國子監第一

夫人張氏來歸

夫人番陽人故直龍圖閣贈左紫金光祿大夫

根之女故資政殿大學士會稽郡公黃公履之外孫後公十二年薨案行狀末又云累封越國夫人追封魯國夫人

崇甯四年乙酉二十三歲

崇甯五年丙戌二十四歲

長子儀之生